

Vunzguhnaz

□ Vangz Dingjcungh / 黄顶钟

De siujyoz bizyez le, couh mbouj doeg cuhcungh le, couh youq ndaw ranz guhhong.

Binaengz ndwencieng, gyoengq hagseng okrog bae doegsaw haenx, cungj yienj saek song haemh heiq. Daxniq caemh hwnj daiz bae eu fwen:

“Ngoenznaengz aeu cat faenz,
Conghbk caen cing sangj;
Ciengzseiz gaenx cat ndang,
Ndang cangq bingh mbouj
daengz.

Swiq fwngz cij gwn haeux,
Nengzbingh mbouj nem ndang;
Dwgliengz gaej yungh gangz,
Sim gvangq mbouj youheiq.

Swngchcanjdui raeuz ndei,
Baengh de ndaej gwndaenj;
In de cei q youqgaenj,
Gaej yungh baenjbort de.”

Miz geij baez, Beixhaj aeu ngeih-yienz buenx dwk, gyoengqvunz yawj heiq cungj bekwngz roeproep.

Mbouj daengz geij lai bi, Daxniq youq ndaw swngchcanjdui gaenq dwg boux caixhangz guhhong ndeu. Ciemz gyaj ndaem naz, vanq bwnh ndai naz, byoq yw cawz non, gvej haeux fad haeux, yienghyienh cungj guh ndaej. Simjngeih doengh gyoengq mehmbwk ndaw swngchcanjdui, bouxboux cungj haenx sab haenx seb.

Daengz swngchcanjdui aeu caz-yanghghih ma ndaem naz, Daxniq ciengzseiz caeuq Beixhaj gap yungh aen cazyanghghih ndeu. Gwn haeux-ringz caemh doxgap gwn, mwngz gwn bat gou, gou gwn bat mwngz. Mwhde gyoengqdou couh yawj ok di riz he lo,

hoeng caemh mbouj miz vunz dawz haeujsim geijlai.

Gaenlaeng, Daxniq couh deng ndaw yienh baij bae Yinznanz son vunz dawz cazyanghghih.

Dauqma le, ndaw mbanj couh cienz dwk byaeuzbyuedbyued. Yaep ndeu dingqnyi naeuz Daxniq yaek haq hawj Beixhaj, yaep ndeu dingqnyi naeuz de yaek diuh bae Namzningz guh ganbu.

Gvaq le geij bi, miz haemh ndeu, Daxniq daeuj ndaw ranz Beixhaj, naeuz: “Go’ haj, ciuhneix raeuz mbouj ndaej doxhab youq itheij, ciuhlaeng ba! Mwngz couh gaej niemh gou baenzlai, cimh bouxwnq vuenvuen heijheij gvaq saedceij ba!”

Ngoenz daihngheih, couh dingqnyi naenz Daxniq haq daengz Ginhcouh bae lo.

Gaenlaeng, itcig mbouj dingqnyi gij siusik Daxniq saekdi, geij noix raen de dauqma.

Daengz gaenlaeng, gaijgwz hailangh, reihnaz bau guh daengz hoh, dajndaem dajciengx gag guhcawj, aen mbanj dou cungj bienq ndaej gyaundeix raixcaix, gwndaenj hix mbouj you, gak hoh cungj miz ci-gyauzceh lo.

Aiq youq bi 2010 gonqlaeng, Daxniq sawqmwh daeuj daengz ndaw mbanj. De buet daengz laj goreiz, raen Beixhaj daz ngeihyienz, couh cung haeujbae, youq dangqna j vunz lai couh daej naeuz: “Go’ haj, gou haih mwngz lo!”

Beixhaj mbat doeksat he, vaiq dawz ngeihyienz cuengq roengzma, mbouj rox yaek baenzlawz gangj cij

ndei: “Mbouj haih! Mbouj haih! Gou ndei! Gou ndei!” Gyoengq bouxlaux roxnyinh aen ciengzmienh neix, dwg sam seiqcib bi dailix doxbiek, vaiqdi boenq gyoengq hauxseng caeuq lwgnyez youq laj goreiz guh’angq ganggoj deuz, caih song boux de doxcomz donq gaeuq gonq!

Daihngheih ngoenz, Daxniq daeng-daengq doi q geij boux bouxlaux gangj. De haq bae caemh dwg ranz haemzhoj he. Gaijgwz hailangh le, baengh dajndaem dajciengx caemh fouq hwnj-daeuj lo. Gij lwg de hix miz ceiqheiq, mwh ngamq gaijgwz hailangh, couh bae Gvangjdungh dajbuek, seizneix ma Namzningz hai gunghsw. Geij bi gaxgonq, goenggvann de dai le, couh bae Namzningz caeuq lwg de youq.

Gvaq saek ndwen le, Daxniq dai q daeglwg hung de dauqdaej, banh soujsuz, hwnq ranzmoq. Doeklaeng ranz baenz le, Daxniq hix youq roengzdaej lo.

Aen ranz neix cang le cueng-bohliz, 4 bangx ciengz bae ndaej biegsisi, ronghsagsag, gwnz dieg bu cienmeng ndaej raeuzmyig dangqmaz.

Daxniq couh iu Beixhaj haeuj ranzmoq bae youq.

Bouxcoz mbouj rox gij gojgaeq song boux de, cungj naeuz Beixhaj 70 bi cij aeu yah.

Haeuj ranzmoq le, gyoengqvunz youq ndawranz nyaengqfoedfoed. Gij lwglan lungzau Beixhaj caeuq gij lwg daeggo daegnuengx Daxniq cungj nyaengq diep doi q, cau j byaek cawj noh. Beixhaj caeuq Daxniq it hoh it hoh bae cingj gyoengq bouxlaux: “Ngoenzneix gij lwg yaek daeuj yawj

song boux dou, gvaqbae caeuq gwn gaemz haeux he.”

Banringz, haj roek aen ci-gyauzceh dingz youq bakdou ranz, roengzma saek 20 lai vunz.

4 gvanbaz gij lwg Daxniq dai q gij lan de daeuj lo.

Youq gwnz daiz laeuj, daeg lwghung Daxniq naeuz: “Daxmeh dauqcungz laebbaenz aen gya moq neix, gyoengqdou angq raixcaix. Boh-laeng couhdwg bohcaen. Gyoengqdou gunghoh song boux de. Gaenlaeng song boux de gij gwndaenj, dou bau lo. Hoeng dou mbouj ndaej ngoenz-ngoenz youq henz ndang songde, couh muengh gak boux beixnuengx ganq lo.”

“Boh! Meh! Raeuz ndaejhoengq ciengzseiz daeuj yawj faenhsou! Seiz yaek dauqma, sou yaek gwn maz couh gangj hawj sou cawx dauq. Muengh sou song boux laux ndang cangq vuenyungz!”

Ngoenz ndeu banringgvaq, caez-gya guhhong sat le couh youq laj goreiz yietbaeg, ganggoj, dingq Beixhaj daz ngeihyienz. Geij bouxlaux hix yungx Daxniq eu fwen. Daxniq doi mbouj gvaq, couh eu hwnjdaej:

“Byoem hau ndaej doxbungz,
Caen vuenyungz dahraix;
Sanhbwz caeuq Yinghdaiz,
Cai q mbouj ngaiz doxliz.”

Beixhaj hix aeu ngeihyienz buenx dwk, gij singyaem rwenzrubrub, ndeidingq dangqmaz. Gyoengqvunz cai q mbouj ganggoj lo, hix ngengrwz haeujsim dingq, daengz Daxniq eu sat le couh bekwngz roeproep.

(sat)

Dou Lwgnyez Guh’angq

□ Vangz Cwngz / 黄诚

Lwgnyez bet goujcib nienzdaix
Doxgai q guh’angq miz haujlai
Caezgya guh’angq angq yaek dai
Lwgsai lwgmbwk cungj miz faenh
Lwgsai daenj vaqbengh dwkcik
Hanh ndik hanh lae cungj yinxdaeuz
Angq bae angq ma lumz gwn caeuz
Ndae j raen ngumhngauez cij fug byaij
Dwkcik mbwq cai q guh caenqboet
Ok roet cungj mbouj miz baenz naeng
Lwgnyezdaeuz geij laeq riengz laeng
Byaij daengz gyawz cungj angq dahraix

Lwgmbwk lohndin daeuj dwkcij
Miz maz beij gijneix ndei caemz
Fwngz unq da vai q angq ndae j nanz
Bajfwngz fan bae dauq aeu haeh
Raen vunz vut aen domq guh’angq
Dou youh angq buet bae camgya
Deng domq vut dawz gwnz cikga
Vunz heuh ok ma cix dajlaih
Gingjengxdiet, dwkbaek, dwkrangq
Guh’angq lwgnyez ndae j cienz roengz
Lwglwg lanlan cungj haenx ndei
Bouxboux cungj gyaez biengz Mbanjcuengh

